

مجموعه ابو الضحی

ماسوا شایسته شدن دلی تطهیر و چالش
بر تو حکمت و عرفان لایله توره آتش

علوم و معارف دین بحث ایدر. و هر ماه عربی ابتدا سیله اون بشده نشر اولنور مجموع عدد.

عدد ۲۲ - جلد ۲ [فی غره شعبان سنه ۱۲۹۹] [نسخہ سی ۳ فروش]

تابوتلر اعمالیه داخل وخارجی بر نوع قطرانلی بویا ایله طلا ایدیورلر .
 بوتابوت حسد میتة مخصوص اولهرق آتی دخی چام تختہ سندن معمول
 دیگر برتابوتہ وضع ایدیورلر کہ طیش تابوتک دروننه ایچنہ کی تابوتک
 آلت تختہ سنی تأثیر رطوبتدن محافظہ ایچون بر طبقہ کومور توزی فرش
 ایدیورلر .

دیوژندن احتضارندہ سنی زہیہ دفن ایدلم دیہ سؤال ایلدکلرنده
 — شو طاعنه آتی ویرک — دیمش — یاقورد، قوش یمز می ؟ دیدکلرنده
 دخی — صوبای یانہ قویک کلیرلر سہ اورورم جوانی ویرمش . — یانصل
 خیرک اولہ جقدہ اورہ جقسک دیدکلرنده دخی — مادام کہ طویمہ جغم
 قوردن قوشدن نہ بایم وار دیہرک بنیشنی باشنہ چکمشدر .
 دیمک ایستز کہ بر وجود حیاتدن مجرد ایتدکدن صگرہ ایسترسہ
 اجساد مصریون کی مومیہ ایدلسونده عصر لرجه طیانسون طورسون
 کیہ نہ فائدہ ویرہ جک ؟
 الک کوزل اصول شمعی آلمانیادہ اتخاذا ایدیلان احراق اجساددر کہ
 رمادینی بر شیشیہ وضع ایله حفظ ایلکدن عبارتدر .

برہ زلیادہ قہوہ محصولی

(مابعد عن جزؤ ۱۱)

تشرین ثانی اقتطاف محصول زمانی اولدیغندن، یکی ترلارده پک
 آز آدم کوردیلیر .
 مقتطفلرہ نظارت ایتک اوزرہ بر رئیس تعیین اولنہرق، ایشچیلر
 آنک نظارتی آلتندہ صباحدن اقشامہ قدر طوبلارلر .
 طوبلانان قہوہلر مخصوصاً اعمال اولنمش سپدرہ وضع وبوسپنلر
 عربلرہ تحمیل ایدیلہرک، تصفیہ خانلرہ نقل اولنور .

قهوه نك اقتطافدن صكره تربيه‌سی دخی اعتنا اولنده حق عملیاتدن اولدیغندن، نه یولده تصفیه و تربیه اولندیغنی تعریف بتلیانلر ایچون فائده‌دن خالی دکلدر.

§

بزلکه صباحلین ییاقدن قانقدیغمزده وعقیب طعمامده وکوندوز ویا کیجه‌لری اشتغالزده فاصله وپردیکمزده سر سامی نومی و طعمامک کرانلغنی ویا ذهنگ یورغونلغنی دفع ایچون بر قبحان قهوه امر ایدرز؛ فقط هیچ بد وقت بر قبحان قهوه نك کیشیزی یتشدره‌جک ویا اشتها میز کورلته‌جک برحاله نه صورتده کلدیکنی وقاچ الدن یکدیکنی دوشنور میز؟

§

قهوه جبه‌سی (قرابه‌ری) یعنی عنبر یارس تعیر اولنان جبه‌دن جزوی بیوجک ایسده شلجه آکا پک مشاهد ر. هر جبه‌نك دروننده ایکی قهوه دانه‌سی اوله‌رق جبه‌ی تشکیل ایدن قشرك قوریدیغنی زمان بیله قوتلیجه تضییق ایدلمیجه قیرلمسی محالدر. بو قشردن ماعدا برنوع بیاض ویموشاق زاری دخی حاویدرکه بوزار جبه‌لرک قاطی حکمنده و آنک آلتنده دخی اصل دانه‌لری محاط و غایت اوزلی بر غلافی حاویدر.

قهوه نك الکی تربیه‌سی مذکور یوشاق زاری صو داخلنده چورتمک و تعیر آخرله کوشه‌دوب، چیقارمقدن عبارتدر. ثانیاً دانه‌لری اوزرنده کی غلاف ایله برابر قورتمق و اوچنچی مرتبه‌ده ذکر اولنان غلافی قوریدقدن صكره محو ایتکدر.

اشبو عملیات ثلثه‌دن صكره برایش دهبا واردرکه اوده قهوه دانه‌لرینی قالبورلیوب کوچوکنی بیوکندن آیرمقدر.

تظہیر و تفریق قشر و غلافه مخصوص اولان دکرمنلرک اوست طرفنده و داخلی چمتو ایله صیوانش بیوجک برتکنده غایت ضربلی بر صو جریان ایتکده در. بوضو تیکنده داخل اولمده دن بر قاق مجرا ده

کوزله سوزلدیکی کبی تکنه نك دخی ایچنه برشی دوشماك ایچون اوزری
اورتیلی در .

تکنه یه قریب بر بوری ایله برخونی واردر که قهوه دانلری شدله
جریان ایدن صویک اثر تحریکی اوله رق، مذکور تکنه یه دوشر .
وصاغلام یعنی چکردکی حاوی اولان دانلر صویک دینه چو که رک
اورادن کوشته ماکنه سنه و ایشلری بوش اولانلری دخی صویک سطحینه
قالدقلرندن جریان میاه ایله محل مخصوصنه کیدر .

کوشته ماکنه سنك اوزرنده متعدد دیشلری حاوی و تیوردن
معمول براستوانه ایله بر طرفنده معدنی بر لوحه واردر که مذکور استوانه نك
دیشلری دور ایتدیکی زمان بر لوحه یه چارپدیغندن، قهوه جبهلری صویک
جریانیله بو استوانه یه تقرب ایلدکده ایکسنك آره سنه کیره رک، قابوغیله
زارندن آریلیرلر .

قابوق و زارلری آریلان قهوه لر دخی دروننده لایققطع دور
ایتمکده اولان بر پروانه واسطه سیله صویکی متحرک بر تکنه یه واصل
اولور که بوراده دخی صویک تحریکله ذکر اولنان عموشاق قابوغی
آریله رق، جریان آب ایله کتدیکی کبی، دانلر دخی تکنه نك دینه و اورادن
دخی بر سوزجکه اینز .

قهوه نك تریه و تطهیری یولنده بورایه قدر تعریف ایتدیکم عملیات
هر برده بر سیاقده ایسه ده موسیو سمرینك چفتلکنده قولانیلان ادواتك
جسامت و نفاسیله عملیاتك حسن صورته اجرا سنه فوق الغایه اعتنا
اولتمده در .

قهوه نك بوندن صگره کی خدمتی قوریداسی در که بوده ایکی
اصول اوزره اجرا اولور . سنور سمرینك چفتلکنده ایسه ایکسیده
جاریدر .
بو اصولك بری طرز قیددر که تسویه لی و چمنو دوشه لی بر محله

کوندوزلی قهوه‌ی سرمک و اقشاملری بر معناد کومه یا یله‌رق، اوزرلی
حصیرله اورتکدن عبارتدر. بویولده قهوه‌ک قوریمقانی لا اقل آلتش
بش کونه متوقفدر. و فقط هوا یا غورلی اولدیغی زمانلر قهوه‌ی
سرمک قابل اوله‌یه‌جغندن، بعضاً اقتطاف و تطهیر اولمش قهوه‌ی
قورتمق اوچ آیده میسر اوله‌مز.

سنیور سری اختراعات جدیده و نافعته‌ک کافه‌سندن استفاده ایتک
فکرینه مالک یعنی موجود پسندلکدن زیاده بدایعی قبول و اتخاذ منهک
اولدیغندن، چفتلکنه طرز جدیدی دخی ادخال ایشدر.

بو طرز ایسه قهوه‌ی بخار ایله قورتمقدن عبارتدر. اوزری
طرفینه مائل بر جاتی ایله اورتیلی و طولانی بر بئاک دروننده چیقودن
معمول بیوک بیوک تابه‌لر اوله‌رق، بونلرک تحتنده ایسه بخار کچر بوریلر
موضوعدرکه اوتوز بش قرق درجه حرارتی حاض اولان بونایه دخول
دکل تقریبی پیله انسان آرزو ایتز. ایشته قهوه‌لر بونایه‌لره آیلیر و بر
طرفدن قارشیدیرلق شرطیله آلتش کونلک بر عملیات جسیمه اوچ بش
ساعتده حصوله کلیر. باخصوص آچیقده و آیلرجه سورینه‌رک، قوریان
قهوه‌دن بویله برقاج ساعت ظرفنده و قبالی بر محله قوریان قهوه ده
نفیس و لذیذ اولمقدهدر.

بخار ایله قهوه قورتمق اصولی مصرفلی اولمادیغی کبی یکریمی
اوتوز تابه‌ی اوچ و یا درت زنجی اداره‌یه قدرتیاب اولمقده و آچیقده
قوریانلر کبی همان هر اوبکه بر آدم تعیین ایدلک و یا غور یا غدیغنده
سقف آلتیه قالدیرمق کبی، کافتله دخی حاجت بر اقامقدهدر.

(مابعدی کله‌جک نسخده)